

VITAE GUDIANAE.

γ = Gudianus fol. no 70 saec. IX vid. praef. p. XIVsqq.

VITA I.

Iniciis librorum VII periochae id est circumstantiae sunt requirendae: vita poetae, titulus operis, qualitas carminis, intentio scribentis, numerus librorum, ordo librorum, explanatio. de vita poetae primum dicamus. iste Virgilius
5 Mantuanus fuit genere, patre figulo et matre Maia genitus et omni virtute probabilis, excepto quod impatiens erat libidinis. fuit et verecundissimus adeo ut de ipsa sui verecundia cognomen sibi sortiretur. nam ‘Partenias’ id est Virgilius dictus est. ‘partenos’ enim graece, ‘virgo’ dicitur
10 latine. cum vero pater et mater eius iter agerent, mater eius ventre admonita declinavit a publico et peperit puerum, quem nominavit Virgilius a virga lauri sive ut alii dicunt populi, quam ibi fixit. quae virga brevi tempore convaluit et in mirae altitudinis arborem excrevit. quod cum rettulisset suo fratri Lucrecio, intellexit eum futurum esse magnum ingenio vel arte. ipse vero multis in locis studuit, partim Cremonae, partim Neapoli, partim Mediolani. deinde multos composuit libros. fecit disticon id est carmen duorum versuum in Balistam id est contra Balistam latronem
15 20 ita:

‘monte sub lato (*sic*) lapidum tegitur Balista sepultus;
nocte die tutum carpe viator iter’.